

Sarajevo, 27-04-2022
Broj: 01-11-3-19688

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-19256 od 25.04.2022. godine, Generalna direktorica donosi:

ODLUKU
o izboru najpovoljnijeg ponuđača za
„nabavku električnih aspiratora za potrebe više OJ KCUS-a“

I

Prihvata se prijedlog Komisije za „Nabavku električnih aspiratora za potrebe više OJ KCUS-a“, po Izvještaju br. 10-33-4-19256 od 25.04.2022. godine, nakon provedenog otvorenog postupka javne nabavke, objavljenog na portalu e-nabavke dana 24.12.2021. godine pod br. 893-1-1-859-3-681/21 i ispravka obavještenja 893-1-1-859-8-165/22 od 23.03.2022.godine i **ugovor** sa ukupnom cijenom i jediničnim cijenama usklađenim nakon provedene e-aukcije **odjeljuje najpovoljnijem ponuđaču:**

STEPMED d.o.o. Banja Luka

Električni aspiratori (15 kom)

1.	2.	3.	4.	5.	6.
Red. broj	Opis	TIP/MODEL i Proizvođač	Potrebna količina (kom)	Jedinična cijena bez PDV-a	Ukupna cijena bez PDV-a
1.	Električni aspirator / sukciona pumpa	Lifetime SAOIHT Surgical Aspirator Elmaslar Imalat Tibbi;	15	3624,58333	54.368,75
2.	Boca sa poklopcem (minimalno 5 litra) <i>Dodatna količina rezervnih boca</i>	Collection Jar; Elmaslar Imalat Tibbi;	25	168,97	4.224,25
3.	Sukciona crijeva <i>Dodatna količina rezervnih sukcionih crijeva</i>	Cateter adaptor; Elmaslar Imalat Tibbi;	60	8,45	507,00
4.	Zračni filter (zaštita od kontaminacije) <i>Dodatna količina , zamjenskih, zračnih filtera (ukupna potrebna količina je 2000 kom, bez obzira na količinu u 1 pakovanju)</i>	Hydrophobic filter; Elmaslar Imalat Tibbi;	2000	8,45	16.900,00

Vrijednost okvirnog sporazuma: 76.000,00 KM bez PDV-a + PDV 12.920,00 KM = 88.920,00 KM sa PDV-om

- Ponudene cijene su nepromjenjive i izražena u KM i podrazumijevaju isporuku (za sve stavke), montažu, puštanje u rad nove opreme, te edukaciju uposlenika ugovornog organa (za stavku br.1).
- Uslovi plaćanja: u roku 30 dana od dana isporuke, montaže, puštanja u rad, edukacije osoblja i ispostavljanja fakture;
- Rok isporuke : 50 dana od dana obostranog potpisivanja ugovora i izdavanja narudžbenice
- Garantni rok: 18 mjeseci za isporučenu opremu i teče od dana potpisivanja zapisnika/protokola o primopredaji.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

OBRAZLOŽENJE

U skladu sa Odlukom Generalne direktorice KCUS-a broj: 58-11-7-60426-1 od 22.12.2021. godine, pokrenut je postupak javne nabavke za „Nabavku električnih aspiratora za potrebe više OJ KCUS-a“. Procijenjena vrijednost nabavke je 90.000,00 KM bez PDV-a. Nabavka je planirana Planom javnih nabavki za 2021. god. pod kategorijom „investicije - robe“ redni br. 65 (Odluka o izmjenama i dopunama Plana javnih nabavki Kliničkog centra Univerziteta u Sarajevu za 2021 godinu, broj: 38/21 br. protokola 65-04-2-50979/21).

Sredstva za nabavku su obezbjeđena u Budžetu Federacije BiH vezano za ugovor o dodjeli sredstava "Tekući transfer drugim nivoima vlasti- transfer za sanaciju zdravstvenih ustanova u Federaciji BiH" br.06-11-2900-3/21 potpisan između FMZ i KCUS-a.

Uslovi plaćanja predviđeni za postupak nabavke su plaćanje u roku 30 dana od dana isporuke i ispostavljanja fakture (na osnovu dopisa Sektora za računovodstvo, plan i analizu br. 56-11-3-53317 od 15.11.2021.godine).

Klinički centar Univerziteta u Sarajevu je na portalu e-nabavke 24.12.2021. godine objavio Obavještenje o nabavci broj: 893-1-1-859-3-681/21 i ispravka za obavještenje o nabavci 893-1-1-859-8-165/22 od 23.03.2022.godine, zajedno sa Tenderskom dokumentacijom.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 12 (dvanaest) potencijalnih ponuđača, a do krajnjeg roka određenog za prijem ponuda, dana 31.03.2022. godine do 10 h i 30 minuta, dostavljeno je 5 (pet) ponuda ponuđača:

PODACI IZ PONUDE	1.	2.	3	4	5
Naziv ponuđača	DERBY TRADE d.o.o. Brčko	STEPMED d.o.o. Banja Luka	PLUS MEDICAL d.o.o. Tuzla	RAUCHE MEDICAL d.o.o. Mostar	MEDICAL PARTNERS d.o.o. Tuzla
Broj i datum ponude	10-11-3-14761 30.03.2022. u 08:00 h	10-11-3-14873 30.03.2022. u 12:30 h	10-11-3-14963 31.03.2022. u 08:01 h	10-11-3-14968 31.03.2022. u 08:39 h	10-11-3-14994 31.03.2022. u 09:42 h
Ukupna cijena bez PDV-a	89.995,00 KM	89.950,00 KM	89.000,00 KM	168.457,00 KM	89.981,00 KM

Komisija imenovana Odlukom broj: 01-04-4-13714 od 23.03.2022.godine je izvršila **detaljnu analizu i ocjenu ponuda** i Zapisnikom o pregledu i ocjeni ponuda br. 10-33-4-19259 od 25.04.2022. godine **konstatovala da :**

1. Ponuđač DERBY TRADE d.o.o Brčko dostavio je ponudu za F-90/F4 **proizvođača Fazzini Italija** **Detaljnou analizom dostavljene ponude** ponuđača **DERBY TRADE d.o.o Brčko** komisija je konstatovala da ista nije prihvatljiva, jer nije dostavljena u skladu sa tenderskom dokumentacijom u dijelu Aneks 3 Tehničke specifikacija i to u tački 8 kojom je traženo " *Opremljen sa autoklaviabilnim bocama ukupnog kapaciteta minimalno 10 litara (minimalno dvije boce od po 5 l) Uz isporuku električnih aspiratora/sukcione pumpe predviđena je isporuka, rezervnih, boca sa poklopcem (minimalno 5 litra) za iste, a u količini navedenoj u ANEKS_u 2 (obrazac za cijenu ponude)*". Ponuđač je u svojoj ponudi dostavio katalošku dokumentaciju u kojoj je na strani br. 9 obilježio da nudi bocu od 4l (a pored te u svojoj kataloškoj dokumentaciji u ponudi ima još boce od 1l i 2l). Pored kataloške dokumentacije Ponuđač je dostavio izjavu proizvođača Fazzini i svoju izjavu u kojima stoji " *boce su gradirane do 4l, ali imaju zapreminu od 5l*". Obzirom da je tenderskom dokumentacijom traženo minimalno 2 boce od po 5l Komisija ne može prihvatiti bocu gradiranu do 4l kao da je boca od 5l.

Na osnovu navedenog ponuda ponuđača DERBY TRADE d.o.o Brčko nije prihvatljiva i ne može učestvovati u daljem toku natjecanja.

2. Ponuđač STEPMED d.o.o.Banja Luka dostavio je ponudu za Lifetime SAOIHT Surgical Aspirator proizvođača Elmaslar Imalat Tibbi

Pregledom ponude ponuđača STEPMED d.o.o.Banja Luka Komisija je konstatovala da ista ispunjava formalno pravne, tehničke i suštinske zahtjeve, a što se vidi u tabelarnom prikazu, gdje je dostavljena ponuda ocijenjene kao prihvatljiva, pa može biti predmet vrednovanja i može učestvovati u daljem toku natjecanja.

3. Ponuđač PLUS MEDICAL d.o.o. Tuzla dostavio je ponudu za DIXION VACUS 7308 proizvođača DIXION Njemačka

Detaljnou analizom dostavljene ponude ponuđača PLUS MEDICAL d.o.o. Tuzla komisija je konstatovala da ista nije prihvatljiva, jer nije dostavljena u skladu sa tenderskom dokumentacijom u dijelu Aneks 3 Tehničke specifikacija i to u tački 8 kojom je traženo "Opremljen sa autoklaviabilnim bocama ukupnog kapaciteta minimalno 10 litara (minimalno dvije boce od po 5 l) Uz isporuku električnih aspiratora/sukcione pumpe predviđena je isporuka, rezervnih, boca sa poklopcem (minimalno 5 litra) za iste, a u količini navedenoj u ANEKS_u 2 (obrazac za cijenu ponude)". Ponuđač je u svojoj ponudi u Aneksu 3 tačka 8 u dijelu "potvrda tehničkih karakteristika" naveo da, te u dijelu "Opis ponuđenog ukoliko je odgovor ne" napisao "NAPOMENA: 2 boce 4l + 2 boce 2l ukupno 12l od čega 2 prelivne boce. TAČKA 3.4. pod 2.TD karakteristike ponuđenog uređaja kvalitetniji od traženih". Uvidom u katalošku dokumentaciju Komisija je konstatovala da ponuđeni uređaj ne ispunjava tražene karakteristike, jer je tehničkom specifikacijom traženo "minimalno dvije boce od po 5 l" što ponuđeni uređaj ne ispunjava.

Na osnovu navedenog ponuda ponuđača PLUS MEDICAL d.o.o. Tuzla nije prihvatljiva i ne može učestvovati u daljem toku natjecanja.

1. Ponuđač RAUCHE MEDICAL d.o.o. Mostar dostavio je ponudu za Dominant flex proizvođača Medela AG Švicarska

Detaljnou analizom dostavljene ponude ponuđača RAUCHE MEDICAL d.o.o. Mostar komisija je konstatovala da ista nije prihvatljiva, jer nije dostavljena u skladu sa tenderskom dokumentacijom tačka 3.1.1. (Ponuda mora sadržavati najmanje). Ponuđač u svojoj ponudi nije dostavio tražene dokaze pod tačkom i) "Izjava/Informacija o dostupnosti servisa i validnu dokumentaciju kojom se dokazuje da je ponuđač ekskluzivni/autorizovani zastupnik proizvođača na teritoriji BiH ili distributer proizvođača predmetne opreme ili je u poslovnim odnosima sa proizvođačem ili sa ekskluzivnim/autorizovanim zastupnikom na teritoriji BiH." i tačkom k) "Pojedinačni certifikat/i serviser(a) (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu i sl.)". u napomeni tačke 3.1.1. stoji "Nepriklaganje bilo kojeg dokaza i/ili izjave diskvalifikuje ponuđača"

Na osnovu navedenog ponuda ponuđača RAUCHE MEDICAL d.o.o. Mostar nije prihvatljiva i ne može učestvovati u daljem toku natjecanja.

2. Ponuđač MEDICAL PARTNERS d.o.o. Tuzla dostavio je ponudu za 6110-A1 max proizvođača Siemnova SRL Italija

Pregledom ponude ponuđača MEDICAL PARTNERS d.o.o. Tuzla Komisija je konstatovala da ista ispunjava formalno pravne, tehničke i suštinske zahtjeve, a što se vidi u tabelarnom prikazu, gdje je dostavljena ponuda ocijenjene kao prihvatljiva, pa može biti predmet vrednovanja i može učestvovati u daljem toku natjecanja.

Obzirom da je za postupak nabavke predviđeno provođenje e-aukcije, na osnovu analize ponuda Komisija je konstatovala da dostavljene 2 (dvije) ponude zadovoljavaju tenderske zahtjeve u pravnom, ekonomskom i tehničkom smislu te Komisija predlaže da se za postupak nabavke električnih aspiratora za potrebe više OJ KCUS-a zakaže e-aukcija prema ponuđenim cijenama:

Red. br.	NAZIV PONUĐAČA	Ponuđena cijena bez PDV-a
1.	STEPMED d.o.o. Banja Luka	89.950,00 KM
2.	MEDICAL PARTNERS d.o.o. Tuzla	89.981,00 KM

E-aukcija je zakazana za 14.04.2022. godine sa početkom u 10,00 sati i provedena putem portala www.ejn.gov.ba i to u skladu sa Pravilnikom o uslovima i načinu korištenja e-aukcije (Službeni glasnik BiH 66/16). **U prilogu je Izvještaj o toku i završetku e- aukcije koji čini sastavni dio ovog Izvještaja.**

Tabelarni pregled ponuda nakon okončane e-aukcije:

Red. Br.	Naziv ponuđača	Cijena ponuda prije e-aukcije	Cijena ponuda nakon e-aukcije	Umanjenje cijene
1.	STEPMED d.o.o. Banja Luka	89.950,00 KM	76.000,00	15,51%
2.	MEDICAL PARTNERS d.o.o. Tuzla	89.981,00 KM	76.400,00	15,09%

Tabelarni prikaz jediničnih cijena ponuđača **STEPMED d.o.o. Banja Luka** nakon provedene e-aukcije je sastavni dio Zapisnika o pregledu i ocjeni.

Uzimajući u obzir naprijed navedno, a nakon provedene e-aukcije, Komisija predlaže da se ugovor za „Nabavka električnih aspiratora za potrebe više OJ KCUS-a ” dodijeli ponuđaču STEP MED d.o.o. Banja Luka sa ponuđenim cijenama usklađenim nakon provedene e-aukcije (umanjenim za 15,51%) i ukupnom vrijednosti ugovora u iznosu od 76.000,00 KM bez PDV-a.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof.dr. Sebiya Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđačima;
- Tehnički sektor
- a/a KCUS